



Jens Napātōk
Partii Naleraq sinnerlugu Inatsisartunut ilaasortaq

§ 37 naapertorlugu apeqqummut 260/2019-imut akissut.

Kigutit nakorsaat aamma kigutigisiissaasut pillugit apeqquteqaatinnut qujanaq.

1. Kalaallit Nunaanni kigutit nakorsaat qassit inuttaqarpat aamma qassit inuttaqanngillat?

Akissut:

Ulloq 1. august 2019 nunatsinni kigutit nakorsaat aalajangersimasumik nalinginnaasumik atorfeqartut 13-iupput taakkunanngalu arfineq-pingasut Nuummi atorfeqarlutik. Kigutit nakorsaat piffissami sivikitsumi atorfeqartinneqartut 17-iupput, taakkulu amerlanertigut qaammatini pingasuni atorfeqartinneqartarput. Kigutit nakorsaat aalajangersimasumik atorfeqarsinnaasut atorfinitsinniartarnerisa annertuumik unammillerneqarnera pissutigalugu peqqinnissaqarfiup kigutit nakorsaat piffissami sivikitsumi atorfeqartinneqartartut arlallit atortariaqartarpai.

Aggustip aallaqqaataanni Kalaallit Nunaanni Kigutigissaaneq-mi Nuummi qitornartaartoqarnerani sinniisoq ataaseq Narsamilu qitornartaartoqarnera pissutigalugu septembarip qiteqqunnerata tungaanut sulinngiffeqartoqarnerani kigutit nakorsaat ataaseq amigaatigineqarput. Nunap immikkoortuini tamani kigutit nakorsaat atorfeqartinneqaraluartut piffissami sivikitsumi atorfeqartitsisoqartarnera pissutigalugu sulisut nikerartuarput.

2. Kalaallit Nunaanni kigutigissaasut namminersortut qassiuppat?

Akissut:

Massakkuugallartoq kigutileriffiit namminersortut marluupput, taakkulu Nuummiupput.

3. Kalaallit Nunaanni kigutit nakorsaqarniarneq qanormita Naalakkersuisut pilersaaruteqarfigaat?

Akissut:

Aalajangersimasumik atorfeqartitanik kigutinik nakorsaqarniarneq nuna tamakkerlugu unamminarpoq, taamaattumik Peqqinnissaqarfiup nunap immikkoortuanut pilersaarut ilaatigut suliarileruttarpaa, taanna najukkani pisariaqartitat aallaavigalugit kigutinik nakorsaqartitsiniarnermut sanilliullugu aqqissuussaanikkut eqaanneruvoq.

15-08-2019
Sulif nr. 2019 - 17057
Allakkat nr. 11248850

Postboks 1160
Tlf: 34 50 00
Fax: 34 55 05
3900 Nuuk

Email: pn@nanoq.gl
www.naalakkersuisut.gl

Der henvises for øvrigt til besvarelsen af § 37 9/2019 vedrørende personalesituationen i Sundhedsvæsenet samt besvarelse af § 37 136/2019 vedrørende tandområdet.

4. Kalaallit Nunaanni kigutit nakorsaannut misissortinniartut qanormita misissortinnissaminut utaqqitigisarpat?

Akissut:

Kigutigissaaneq pillugu Namminersonerullutik Oqartussat nalunaarutaat nr. 15, 13. september 2006-imeersoq najoqqutaralugu naammattunik sulisussaqaqngippat aningaasassaqaqtitsisoqaraniluunniit meeqqat inuusuttullu pingaartinneqassapput. Taamaasilluni meeqqanut aamma inuusuttunut misissortinnissamut utaqqisoqaqngilaq sullinniakkat pingaartinneqarmata, naleqq. qulaani peqqussut taakkartorneqartoq.

Inersimasunut tunngatillugu pingaarnertut kigutigissaasoq kigutit nakorsaanic suliaritittussat pinasuartut ullormut misissortinnissamut – aamma suliaritinnissamut killilimmik piffissat iluani suliarisarpai. Nuummi suliaritikkusuttut misissortinnissamut – aamma suliaritinnissamut piffissat tunniussinnaasanit amerlanerupput. Takkutinngitsoortartut 50 procent tungaanut amerlassusillit pissutigalugit inersimasut kigutit nakorsaanic misissortinnissamut – aamma suliaritinnissamut piffissamik inniminniisnaangillat, taamaattumillu aamma utaqqisunut allattuisoqarneq ajorpoq aamma utaqqinerup sivilissusaanic nalunaarsuisoqarneq ajorpoq.

5. Qanga kigutitnut nallorsaatit akeqartinneqartaleramik?

Akissut:

Napparsimasut Kalaallit Nunaanni Peqqinnissaqarfimmi atuisutut akiliisinneqartalernissaannik Naalakkersuisut pilersaaruteqaqngillat.

Kalaallit Nunaanni Peqqinnissaqarfiup avataani kigutileriffiit namminersortut atuisut akiliisarnerisigut aningaasalersorneqartarput.

Inussiarnersumik inuulluaqqusillunga


Martha Abelsen